

Premios e dotación

Establécense un primeiro e un segundo premio:

PRIMEIRO PREMIO: consistirá nunha tarxeta regalo por valor de 2500 euros, que se dividirá entre o número de autores da curtametraxe gañadora, para a adquisición de material informático, audiovisual, deportivo ou material de lectura.

SEGUNDO PREMIO: consistirá nunha tarxeta regalo por valor de 2000 euros, que se dividirá entre o número de autores da segunda curtametraxe gañadora, para a adquisición de material informático, audiovisual, deportivo ou material de lectura.

Resolución:

Criterios e procedemento de concesión dos premios

1. O prazo máximo para resolver e notificar a resolución será de mes e medio, que se contará a partir do día seguinte ao de finalización do prazo de presentación das curtametraxes.

2. O xurado encargado de analizar e de resolver os premios estará integrado polos seguintes membros:

- **Presidente/a:** conselleira de Sanidade, ou persoa en quen delegue.
- **Vicepresidente/a:** presidenta da Fundación María José Jove ou persoa en quen delegue.
- **Vogais:** un/unha técnico da Axencia Galega de Industrias Culturais (Agadic), tres persoas asesoras técnicas da Consellería de Cultura, Educación e Ordenación Universitaria, dúas persoas do Servizo Galego de Saúde designadas pola titular da Consellería de Sanidade, unha persoa da Oficina de Coordinación de Transplantes, que ademais exercerá como secretario/a.

3. Logo de avaliadas as curtametraxes, o xurado emitirá unha proposta na que se concrete o resultado da avaliación efectuada. Notificaráselles aos premiados a hora e o lugar da entrega de premios, que se fará nun acto público.

En caso de empate, a conselleira de Sanidade terá voto dirimente.

3.1. Para a concesión dos premios atenderase aos seguintes criterios:

- a) A calidade, cantidade e utilidade da información que ofrece respecto do beneficio que ten para a sociedade a doazón e/ou os transplantes de medula ósea.
- b) Valorarase a orixinalidade, o uso da linguaxe audiovisual, o esforzo técnico e creativo.

3.2. Por proposta motivada do xurado, os premios poden quedar desertos.

Centro de Transfusión de Galicia
SERVIZO GALEGO DE SAÚDE

900 100 828
www.sergas.es

I CONCURSO universitario de curtametraxes

relacionado coa doazón e transplante de medula ósea

curso 2015/16

DOAR?

Faite doador de medula ósea

I CONCURSO UNIVERSITARIO DE CURTAMETRAXES RELACIONADO COA DOAZÓN E TRANSPLANTE DE MEDULA ÓSEA

Obxecto:

A doazón de medula ósea é das poucas que poden realizarse en vida e permite salvar cada ano a vida de miles de persoas anónimas no mundo. Un dos obxectivos primordiais na concienciación deste tipo de doazón é o deseño de intervencións informativas dirixidas á mocidade, co obxecto de mellorar a opinión sobre a doazón e os transplantes de medula ósea, o que lles permitirá tomar unha decisión propia ao respecto e serán transmisores informados dos coñecementos adquiridos sobre a doazón no seu ámbito de influencia familiar, social, académico e laboral.

Finalidade:

A Consellería de Sanidade, o Servizo Galego de Saúde e a Consellería de Cultura, Educación e Ordenación Universitaria, en colaboración coa Fundación María José Jove, convocan un concurso de curtametraxes dirixido aos estudantes universitarios para o curso escolar 2015/16 que teña como tema a doazón e os beneficios do transplante de medula ósea, co fin de promover a sensibilización social de maneira responsable sobre a doazón, entendida como un acto voluntario e altruísta.

Destinatarios:

Poderá participar no concurso de curtametraxes o alumnado matriculado durante o curso 2015/16 nas universidades do Sistema Universitario de Galicia e nos centros asociados da UNED en Galicia.

Información sobre o desenvolvemento do programa:

Todas as persoas interesadas en participar poden obter información sobre as bases deste concurso contactando coa propia Oficina de Coordinación de Transplantes do Servizo Galego de Saúde no teléfono 881 542 863 ou a través do seu enderezo de correo oct@sergas.es. Tamén poden acceder a información de apoio sobre a doazón de medula ósea e o transplante nos seguintes enlaces: <https://galicia.medulaosea.org/>, <http://ctg.sergas.es/> ou ben <http://www.ont.es>.



Requisitos:

Características das curtametraxes:

1. O contido das curtametraxes tratará sobre a doazón e o transplante de medula ósea e os aspectos relacionados con estes. Terán unha duración máxima de 4 minutos (coas cortinas inicial e final incluídas).
2. Poderá participar neste concurso o alumnado, en forma individual ou en grupo (cun máximo de cinco autores por cada un dos traballos presentados).
3. Aceptaranse obras mudas ou sonoras, sempre e cando os textos e diálogos estean en galego normativo e todas as secuencias e imaxes sexan creadas para a obra. En calquera caso, non se aceptarán obras que inclúan imaxes protexidas por dereitos de autor alleos a quen presenta a obra.
4. A técnica será libre e poderá gravarse con calquera dispositivo, incluídos os teléfonos móbiles. Presentarase unha copia en formato DVD ou Blue Ray en máxima calidade.
5. As obras deberán incluír obrigatoriamente un título relacionado co fomento da doazón de medula ósea.
6. Ao inscribir a curtametraxe, as persoas e os grupos de participantes declaran que:

6.1 O traballo presentado é orixinal e inédito.

6.2 Os participantes se responsabilizan de que os contidos, tanto textuais como musicais, das curtametraxes presentadas non estean sometidos a propiedade intelectual de terceiros nin a posibles reclamacións legais.

6.3 Todas as persoas identificables que aparecen na curta presentada, se as hai, enviarán un documento asinado de cesión de imaxe na presentación a este concurso e no uso por parte da organización de calquera maneira de difusión que esta considere oportuna.

6.4 Os participantes da elaboración da curta, mediante documento asinado, concédennlle a cesión de uso á Oficina de Coordinación de Transplantes para empregar as curtametraxes seleccionadas polo xurado, utilízalas para a elaboración de traballos ou presentacións públicas ou tamén como lema dalgunha campaña relacionada coas funcións da devandita oficina.

7. As curtametraxes que non cumpran os criterios determinados nas presentes bases serán eliminadas, así como aquelas cuxo tema non sexa o sinalado nestas.

8. A mera presentación á convocatoria representa a aceptación e coñecemento das presentes bases por parte das persoas participantes:

9. As obras remitiranse nun sobre cerrado ao seguinte enderezo:

"I Concurso Universitario de Curtametraxes: Doazón Medula"

Oficina de Coordinación de Transplantes de Galicia
Servizo Galego de Saúde
Edificio Administrativo San Lázaro, s/n
15703 - Santiago de Compostela

Para presentar as curtas introducíranse dentro dun sobre outros dous sobres co mesmo lema; o primeiro conterá o vídeo (en soporte DVD ou en lapis de memoria –pendrive–) e o segundo sobre, os datos dos autores: nome, DNI, domicilio, teléfono, enderezo electrónico, data de nacemento, centro e universidade nos que cursa estudos este ano.

Prazos de presentación:

A recepción das curtametraxes estará aberta desde o momento da publicación destas bases ata o **1 de abril de 2016**.

